

BOCHOR REAK 19AK ATHWAR

Onor

Kristre adi manotan dularia Go-Baba, boeha-miserako- jotoko Jisu marañ

Teheñ do bochor reak 19ak Athwar kana. Teheñak Bhage Sombatrebon nelletkana je Jisuren Preritko do doreãore menakkoa, okoe do botorko atkarkada. Enre hõ, Jisu do unko then, dak cetanre tarankateye calakkana ar celakoye metakkokana: "Dil jonpe, alope botorok'a, inkangeañ." Sonot Patras hõ dak cetanreye taramekana tinak dhabic, uniak koyok do Jisure tahẽkana; menkhan uniak met do doreãre calak karonte, uni do unumoke ehopena.

Aboak jionre hõ aema lekanak doreãoko menaka: cinta reak doreã, rua-hasu reak doreã, gharonj reak muskilako reak doreã, gapa cet hoyoka ban hoyoka reak doreã, bhage kami nam reak doreã, nijak dhorm leka jion kemao reak doreã, santao reak botor reak doreã ar aema etak doreãokoge. Teheñak Bhage Sombat hotete, aboren Probhu Jisu do, Acre koyok tahẽn lagit neotae emabon kana, Uni khon aboak dhiyan ocoklen khan, aboak jion lauka hõ dagmagoka.

Dela, dularia Go- Baba, boeha-miserako, aboak duk-kostoko, aboak cinta-bhabnako, aboak dinam din reak muskilakko, Uni thenbon jimama. Dela, Uni thenbon koema jemon Uni do aboak katic patiaue latue tabon; aboak jion reak doreãoren rukhiayice hoyok ar sanam muskil oktere, ayurice hoyok. Uni begor jion lauka do nisungea. Uni begor jion lauka do dagmagogea. Dela, Unige aboak jion laukaren malikbon dohoyema.

Pahil Pat

Rajakoak pahil puti khon tehenak pahil pat

1 Rajakoak 19: 9, 11-13

[9] Ar onde mit'tec' danderreye gitic' angayena. Onde Probhu Isor do Eliã then seterenteye kulikede, "E Eliã, nonde do cet'em ceka kana?"

[11] Unre Probhu Isore menkeda, "Am do odok hec'kate buru cotre in samahre tengok'me." Un jokhec' Probhu Isor do onkateye parom calak'kan tahẽkana, ar uni samahre mit'tec' marañ darenak' hoe do burukoe orec'ket'te bar hatinena ar sanam dhiriko do raput' gejerena, menkhan ona hoere Probhu Isor do bae tahẽkana. Ar ona hoe tayom do dharti laraoena, menkhan onare hõ Probhu Isor do bae tahẽkana. [12] Dharti larao tayom do seigel nelena, menkhan ona seigel talare hõ Probhu Isor do bae tahẽkana. Ona seigel tayom do khae khoe leka sabad anjomena. [13] Ar Eliã do ona anjomkate ac'ak' oyonak'te met'ahãe bet'ket'taea ar bahrete senkate dander reak' moca thene tengoyena. Ona tayom uni do niã kathae anjomkeda, "E Eliã, nonde do cet'em ceka kana?"

Noage Probhuak katha do.

Seren Ruarok Orhe

Serenko 84: 9-14

Coran: 84:8

Coran: Ama day, e Probhu, nelocolem,

Ar Amak babañcao goṛo baṛe emalem.

1. In do Probhu Isorak kathan ańjoma, okoe laiańkan:

Ente Uni Acren hoṛko ar Acren bhoktianko,

Suluk reakē galmaraoakokana.

Uniak babañcao goṛo do Uniko botoraeakanko laḡit' sorgea

Ar Uniak ṭhonok do aboak disomre thamgaḍiakan tahena.

2. Dulaṛ ar paṭiarteṭ nitok dapramokkana

Dhorom ar sulukkin copokkana.

Paṭiarteṭ do ot khone omon harakkana,

Ar dhorom do serma khone oyońetkana.

3. Probhu doe borketocobona,

Ar aboak ot orjone emoka

Dhorom do jaoge Uni laha lahateye calakkana

Suluk do tayom tayomte, Uniak goyonreye taṛameda.

Dosar Paṭ

Romiko ṭhen bhoranić Prerit Paulusak ciṭhi khonak teheńak Dosar Paṭ Romiko 9:1-5

[1-2] Maṣi tuluc' mit'akanteń meneda, in do ontorre aḍi duk ar aḍi koṣoń nameda, ar noa do saṛi katha kana, eṛe do bańa. Inak' bibek hō sonot Jiure jopoṛao tahēkate inā mit' gohageye emeda. [3] Inren boehako bodolte, metak'me in jaṭren hoṛko bodolte hoydaṛeak' khan in apnarge Maṣi ṭhen khon pharakok' reak' sarapiń hataokea. [4] Onko ma Israel jaṭren hoṛ kanako. Isor do hopon hoyok' reak' aḍaṛiye em akawat'koa, uni do ac'ak' ṭhonoke uduk' akawat'koa, onko laḡit' bondobose dohoakada, ań-ańkoe emakada, ac' sewawae reak' ponthae emakana ar aḍi utaṛ gok'ak' hōe gok' akawat'koa. [5] Isorren marań sek'wako do onkoren hapṛamgeko tahēkana ar manwa lekate Maṣi do onko bōsregeye janamlena. Uni kangeae Isor do, one uni sanamak'ko cetanre menae; jaejug haḅic' uniyak'ge sarhao hoyok'tae ma. Amen.

Noage Probhuak Katha do...

Sarhao Aṛań

Orhē 129:5

Alleluia!

Probhutiń nel horekana, Uniak kathan asakkana.

Alleluia!

BHAGE SOMBAT

Sonot Maṭie olaḱaṭ leka Bhage Sombat

Maṭi 14:22-33

[22] Ina tayom Jisu do celako laḱare dejok'te doreão hanasa parom lahak' laḱit'e udḱau got'kat'koa, ar ac' do hoṛko biḱakoe ehop'ena. [23] Ado gadel hoṛe biḱaket'ko khan koejoṇ laḱit' ac' eskarge buruteye rakap'ena. Ar nuḱumen khan eskarge onḱeye tahēyena. [24] Unre celakoak' laḱa do tala doreãore tahēkana ar samaṇ sec' khone hoeyet' tahēkante dheokote laḱa do botorge sokojoḱ'kan tahēkana. [25] Ado maraṇ sim rak' okte Jisu do doreão cetan cetante taṛamate celako ṭhene hijuk'kan tahēkana. [26] Ar dak' cetante mit' hoṛ taṛamate hijuk'kanko nelkede khan celako do botorte, "Bhut, bhut" menkateko kikiḱukeda. [27] Unre Jisui metat'koa," Dil joṇpe, alope botorok'a, iṇkangeaṇ." [28] Patrasedo ruḱadea, "E Probhu Isor, am kan khanem enḱekhan dak' cetante am ṭhen calak' hukumāṇme." [29] Jisui menkeda, "Dela hijuk'me." Unre Patras do laḱa khon pheḱkate dak' cetante Jisu ṭhen calak'e ehop'ena. [30] Menkhan hoe nelteye botoren khan unumok'e ehop'ena ar kikiḱuateye menkeda, "E Probhu Isor, baṇcaoiṇ me." [31] Jisu do usaṛate tiye tiṛket'te uniye sap'got'kede are metadea, "E nase paṭiaḱ'ic' cedak'em digdhayena?" [32] Ado Jisu ar Patras laḱarekin dec'en khan hoe do thirgot'ena. [33] Ar laḱare okoeko tahēkan onko do Jisu sewawadeteko menkeda, "Saṛige am dom Isorren Hopon kana."

Noage Probhuak' Jisuk' Bhage Sombat do...

Dhorom Galmarao

Kristre aḱi manotan ḱularia Go-Baba, boeha-miserako- jotoko Jisu maraṇ

Aboak' jion laḱare do, aema lekanak' hoe-aṇḱhibon aṭkareṭkana. Mimiṭ jion laḱare, hoe-aṇḱhi do menak'gea. Jion laḱare hoe-aṇḱhiko do ruḱa-hasuko hotete heḱabonkana; gujuk'-guru hotete heḱabon kana; ṭaka-paisa reak' abhab hotete hijuk'kana, cinta-bhabna hotete hijuk'kana ar duk-kostko karonte hijuk'kana. Adhom oktere, aboko hō, cela lekabon aṭkareṭkana- ontorre botorbon aṭkareṭkana, botortebon kikiḱuetkana, ar aboak' mēṭ do-Uni nelre akotbon bujhaueṭkana. Uni monṭe babon nel orom ḱareyaekana. Jisu do unko ṭhene hijuk'kana, dil-bhorsae emakokana, ar Acre paṭiaḱ doho laḱit' neotae emakkokana. Sonot Patras do, Unire koyok' taken dhaḱic' napaegeye taṛamkeda menkhan Uni khon koyook' ocoḱre, unumoke ehopkeda. Aboak' jion laḱare hō, muskilaḱko do, aboak' koyok' Uni khon ocoḱgokre janamokkana.

Dela tobe, noa Bhage Sombatbon laṛcarma:

1. JISU DO ABOAK' JION REAK' DORãOREYE HIJUK'KANA

Jisuren celako do, Uniak' Katha aṇjomkatege, Uniak' hukum batao katege, gaḱa doko paromeṭkan tahēkana; enre hō, dheokote unkoak' laḱa do botorge sokojentakoa. Jisu paṇja hotete, noa do tisce babon hudis ḱareyaka je aboak' jion laḱa do baṇ sokojoḱa menkhan jion laḱa do jaoge sokojoḱa. Jion laḱa sokojoḱre hō, Uni do jaoge abo sanamko saoteye tahēnkana. Celakoak' digdha oktere, Jisu do unko ṭhene hijuk'kana ar unkoak' botor-bhabnae cabaeyetkana. Uni do unko ṭhen dak' cetanre taṛamkategeye heḱena. Dak' cetanre taṛam hotete, Uni do noageye sodoreṭkana je Uni do sanam sirḱau jinisko cetanreye rajokkana ar Uni kangea aboren maḱik do!

2. BOTOR DO DORÃOE NEL NAMETKANA, PATIAU DO JISU NEL REAK SAHAIE EMABONKANA

Celako do Jisu dak cetanre țaram nelteko haharaena ar saote botorko atkarkeda. Botorte unko doko hudiskeda je unko do bhutko nellekana. Ontor reak botor do aboak meťe andhaeyet tabona. Cintate aboak meť do andhakkan tabona. Jisu do Celako noa dil emako reak kathae rorkeda, *"Dil jonpe, alope botorok'a, inkangeań."* Noa katha do, Baebel Puthire aema dhaoge rorakana, cedak je aboren Isor do badaegea je abo do bon nijorgea mente.

Botor, cinta-bhabna reak koyok do jaoge- muskilakre tãhẽnkana menkhan patiau reak koyok do jaoge- Isorak ror kathare tãhẽnkana. Uniak Katha anjomte, botor, cinta-bhabna do cabakkana.

3. PATIAU DO LAUKA KHON PHEDKATE ȚARAM REAK SAHAI KANA

Patras do hahara kamiye kamikeda. Jisusak hoho namte, Uni do lauka khon phedkate, dak cetanreye țaramkeda. Lauka do kusi-raskare taken reak cinha kana. Lauka do- botor-bhabna khon bahre taken reak cinha kana. Ar Patras do ona kusi-raska ar botor-bhabnako bagi katege, ona hahara kami doe atkar namkeda. Isorak hahara kami nel lagit- uni do rukhia jaega khone țaramkeda.

Jisu do abo sanamko hõ, rukhia jaega khon bahre hijuk lagit neotae emabonkana. Rukhia jaega khon bahre hijuk do kana: baeriko ika hatinako ar dular emakko, baeriko lagit koe, mit-etak nãwã mission kami ehop bina botor ar cintate.

Patiau do eken Jisu Bisas do ban kana menkhan Uniak kathare țaram kana.

4. AMAK KOYOK DO JISURE DOHOEME, DORÃOORE DO BAN

Patrasak meť do Jisu sec tãhẽkante, uni do dak cetanre napaegeye țaramkeda; menkhan uniak meť do dorao sec calao oktere, uni do dakre unumoke ehopena. Botor do, uniak ontore boloena.

Noage, aboak jion reak atkar hõ kana. Abo sanamko hõ patiau hotetebon porthonetkana menkhan abo do, jion reak muskilakko, jion reak cinta-bhabnako, jion reak baric hudisko, jion reak kamjorikoge- Jisu then napam lagit maran akotko benaokkana. Aboak jion reak doraoe dhiyan doholekhan, aboak patiau do katik idika. Aboak koyok do, Uni cetanrege doho hoyok tabona. Aboak koyok do, Uni cetanre- koejon binti hotete, Baebel Puthi parhao hotete, Sonot Yukarist atan hotete ketecjokkana.

Aboak meť Uni koyokre tãhẽn khan, abo do Uniak sahairebon tãhẽna.

5. JISU DO ABO BANCAOBON LAGITE SAPRAOGEA

Patras do hoe nelteye botorena, ar dakre unumoke ehopena ar kikiuateye menkeda, "E Probhu Isor, bancaoın me." Jisu do uni unumoke nelte, Acak tiye sapkede are metadea, "E nase patiauk'ic' cedak'em digdhayena?" Jisu do Patras ac̣te unumok khon bancao lagit do bae koyokakat tãhẽkana; menkhan Jisu uni bancao lagit, Ac̣geye lahakkana; Ac̣ge bancao lagite laha hijukkana. Uni do botorte kikiaye ehokkeda ar Jisu do kikiay saote bancao lagit tiye lahakeda. Aboak digdha, aboak nijortet, ar aboak kamjorikoge, Jisu then seterok lagit akot benao kana. Uniak daya-mãyã do- aboak nijortet ar aboak kamjoriko khon barti latugea.

Jisu do ļaukare deckate, hoe do thirena ar Celako do Jisuko sewaadea ar unko doko menkeda, “Sarıge am dom Isorren Hopon kana.” Unkoak dorão reak okte do paťiau kajak uric reak okte benaokkana.

Aboak mimit jion reak dorão do, Jisu sãote napam reak okte kana.

MUCAT KATHA

Dela tobe, dulařia go-baba, boeha-miserako, Jionre hoe-ańdhi do jaoge hijuka ar calaka. Jionre hoe-ańdhi do hijuka ar calaka menkhan kukli katha do noage: Cet inak meť do Uni koyokre menaka se bań? Cet inak dhiyan do, Uni cetanre menaka se bań? Hoe-ańdhire aboak dhiyan taken khan, aboak jionre eken muskil ar muskil bon nel nama menkhan Unire dhiyanbon dohoe khan, duk-kostore hõ, řaskabon atkar nama.

Nehor Koe

NAEKE / AYURIC: Kristre dulařia Go-Baba, boeha-miserako, aboren Serma Baba do Aćren Hopon Jisu Kristre paťiau ar řari aas-bhorsa doho kate, jion reak ańdhire řaram ļagit neotae emabon kana. Uni sãote řaramte do, řari jion menaka ar jion reak ļauka do mońjtege parom lahaka ar jãhãtinak hoi-dak, ańdhi hijuk, Uni sãote taken khan do, botor reak kukli do banuka. Dela, aboa purã paťiau, Unire doho kate, aboak řaruakko, Girja reak řaruakko, ar disom reak řaruakko ļagit, Uni řthenbon arojma. **Dela aboak roř ruar do hoyokma:**

E Probhu, Amre koyok taken reak řahai de emaleme.

E Sisirjauc dulařia serma Baba, ale do aleren Girjaren Guķpic, Dhorom Papa Liyo ļagit’le nehorokkana, dayatamte, amak bhor dan te pereckaeme jemon Uni do sanam boeha-miserako talare Bhage Sombat reak sikhauako do sanam řhene idik seřerma ar jion reak ļaukare, Unire keťec paťiau doho ļagit jemone uskurko. Noa ļagit’ debon koema.

E Probhu, Amre koyok taken reak řahai de emaleme.

E Sisirjauc dulařia serma Baba, ale do ale dhorom subaren ayuic- aleren Bishop Baba- ļagit’le nehorokkana, amak řahai unire jhalkaome jemon uni do acak paťiaure keťece taken ar dhorom subaren sanam paťiauanko paťiau reak daharre, sanam oktere keťec taken ļagit atmateak dil řare jemone řatińako. Noa ļagit’ debon koema.

E Probhu, Amre koyok taken reak řahai de emaleme.

E Sisirjauc dulařia serma Baba, ale do disomren sanam ayurko ļagit’le koeyet’kana, okoeko do disomko calao-benaotkan, Amak daya-dular unko cetan re jhalkao ocueme jemon unko do porjako nijak kusi leka dhoromre řaram reak řadhinteťko atkar ar ayurko do, bina řati-dhorom nelte, sanamkoak lahanti ļagit jemonko kamie. Noa ļagit’ debon koema.

E Probhu, Amre koyok taken reak řahai de emaleme.

E Sisirjauic dulajia serma Baba, ale do disomren sanam horko lagitle nehorokkana, okoeko do jion laukare aema lekanak muskilakko atkaretkan: ruahasu karonte, ekla atkar karonte, lek kami ban nam karonte, taka-paisa reak obhab karonte, gharonj reak atkectorec karonte, sanamko cetanre Amak sahaj de jarieme jemon unko do koejon-binti, Yukarist ar Baebel puthi parhao hotete, atmateak dareko nam. Noa lagit' debon koema.

E Probhu, Amre koyok taken reak sahaj de emaleme.

E Sisirjauic dulajia serma Baba, ale noa mission dinda reak sanam gharonj lagitle koeyetkana, Amak sahaj unko sanamko cetanre de jhalkaome jemon juri-pari talare dulaj taken, gidar-pidar do marsal daharre taram reak sikhaunako nam ar dhorom lekate jionko kema. Ika-ipika jaoge sareok, ar goro-gopro reak bhage gun do harakte, bhage gharonj benao rakapbok. Noa lagit' debon koema.

E Probhu, Amre koyok taken reak sahaj de emaleme.

E Sisirjauic dulajia serma Baba, ale do sanam isai boeha-miserako lagitle nehorokkana, amak dulaj reak umulre sanam isai boeha-miserakole jimayetkoa, bhor dan emakome jemon unko do Jisure dhiyan ar koyok taken reak bhor danko nam ar jion lauka unumokre, Jisu hohowae reak sahajiko nam. Noa lagit' debon koema.

E Probhu, Amre koyok taken reak sahaj de emaleme.

E Sisirjauic dulajia serma Baba, ale do sanam juan korakuriko lagitle nehorokkana, asokaete unko sanamko lagitge, okoe do dharti reak rij-rong karonte, gati korakurikoak baric namuna karonte baric daharreko tarametkan, unko sanamko Amak bhor dan emakome jemon unko do- nijak jion laukaren malik do- Jisuko dohoyic ar nijak jionre, Uniak ponthako purau. Noa lagit' debon koema.

E Probhu, Amre koyok taken reak sahaj de emaleme.

E Sisirjauic dulajia serma Baba, ale do noa mission dinda ar atu-tola reak girja lagitle arojetkana, Amak bhor dan de jhalkaome jemon joto patiauan boeha-miserako do patiaure ketec taken reak sahajiko nam ar join reak laukare muskilak, duk-kosto, emanteakkore, Isor khon aas jemon alo katicjoktako. Nijak join laukare, Jisuk hajirtet jaogeko atkar. Noa lagit' debon koema.

E Probhu, Amre koyok taken reak sahaj de emaleme.

NAEKE / AYURIC: E dulajren jharan ar sanam sahajren Isor, Am do Amren Ekaput Hopon noa dhartitem kolkedea jemon Uni do jion reak sanam muskil reak andhi, sanam duk-kosto reak andhi, ruahasu reak andhi ar gujuk-guru reak andhi khon bancao hatin lagitgeyem kolkedea. Tehenle arojamkan koeko de atantaleme ar Amak sonot mone leka bare purautaleme. Amre ass menaktale horokak aroj do alom nihattalea. Amren ketec patiau doho reak sahaj ar bhor dan de emaleme. Amre dhyar reak serma sisir dak ho de jarialeme. Noako lolo koeko anjomtaleme. Ini aleren Probhu Krist hotete. **Amen.**

Fr. Nicholas Besra SDB

Don Bosco High & Technical School PVT ITI

Don Bosco Road, Krishananagar, Nadia